



Y de Radt der Stadt to Brunswigk doen kundt wytlick vnde openbar ydermēnichlicke  
de duffse schufte. sseen. horen edder lesen, mit vnser willigen bereitē deinstē erbedinge, dat  
de durchluchtigeste vortmechtigste furste vnde here, her Maximilian Romischer Ko  
nigk zc. vnser alder gnedigste here, durch vnse demodige ansoykent vth sonderliker gna de  
vnde toneyginge vns vnde vnser Stadt, mit twen fryen marckeden de Jarlickes toholdē de  
begnadet vnde besorget hefft, der denne de eyne des anderen dages nach Conceptionis ma  
rie virginis negestuoigende, de ander des ersten frydages nach ascensiois domini, schullē  
angaen vnde geholden werden, vnde ein yuck iarmarket also teyn dagelangt to durende  
vnde dar beneuen durch de erbenomten Konninglicken maiesta dt besorget dat ein yderman  
mith syner haue waere vnde guderen. teyn dage voer vnde teyn dage na dem marckede yn  
gna de fryheit frede vnde geleide to In vn aff by vormdunge swarer pene. scal vorzorget sin,  
Nach forderm vormoge iuner Konninglicken maiesta dt openen vorzeloen breues. vns dar  
ouer gegeuen den wy a hir dem kopmanē untoegende werden. Dct sun wy von dem Irlich  
teden hochgebornē fursten vnde heren, heren Henricke dem Eldern to Brunswigk vnde  
Luneborch Hertogen, vnsem gnedigem landesfursten mith gnaden, durch siner gnaden  
breff vnde segele gelicker mathe ang. sein worden, ludende von worden to worden szo hir  
nafolgeth, Wy Henricke de Elder von godes gnaden tho Brunswigk vnde Luneborch  
Hertoge zc. Bekennē openbar In vnde mit duffen breue. vor vns. vnser eruen Na komelinge  
vnde als weme So de Konninglike maiesta dt de Ersamē Radt vnser Stadt Brunswigk  
vnde ore na komē mit twen fryen Jarmerkedē Jarlickes binnen der genantē vnser Stadt  
Brunswigk toholdende gnedichucken vorzorget hefft, na lengerem Inholde iuner Konigk  
licken maiesta dt breues, one dar ouer vorzogat gegeuen, dath wy dene vor vns. vnser er  
uen vnde na komelinge In alle sinen puncten vnde artickele bexilliget beleuet vnde befulwor  
det hebben vnde doen dath yegenwordigen In crafft duffes breues Wy willen of den kop  
man vnde andere de, de suluen frien marckede besoyckende werden. mit orem gude haue.  
vp wontliken tollē In vnser landen vnde gebede, geleidigen beschutten vnde beschermē  
Duffes to forderer vrtude vnde mehrer wissenheit, Dath ensodans. von vns. vnser eruen  
vnde na komelinge. stede. vast vnd vnuorbrotē. schal geholden werden. Hebben wy vnser  
Ingesigel witlicken gehenget lathen, neden an duffen breff Na cristi vnseres hern geborth  
vftē hundred vnde vyff Jare am fridage nach Bartholomei apostoli, Wy willen of se  
Beschutten Beschermen vnde na allem vormoge ratsam vnde behulpen sin dath wy also  
einem ydermanne In besten toerkennē geuen Dar deinstlicken einen Jowelken wat standes  
vnde wesendes de sy. Biddende dath de vns in duffen vnser erbenomten gegeuen gna de  
forderlick vnde forsertich sin wille, of vnser kundigers nicht verich noch beswerich, sin  
dern thom besten behulplick tho siende Dath willen wi tiegen einen Jowelken na vnsem  
vormoge willich sin touordenende To orkunde hebben wy vnser Stadt Secret Benedē  
vpt Spacium duffes breues witlicken doeu druckenn Nach Cristi vnseres heren geborth  
vftē hundred viff Jare am Sonmauende nach decollationis sancu Johannis Baptiste.